

OQUK PILLUGU SIUNNERSUUTIT PINAVEERSAARTITSINERLU

Attartortugut atuisugullu inissiani oqup qanoq akiornissaanut oqoqaleratarsinnaanerullu annikillisinnissaa pillugit Iserit A/S ugguuna allaaserinnippoq.

Oqummik pinaveersaartitsineq siunnersuutillu allassimasut tulliuuttut Iserit A/S-ip inissiaataani illuutaanilu najugalinnut atuisunullu saaffiginnipput.

Qanoq akulikitsigisumik silaannarissaasarpit? Silaannarissaanermut systemeqarpit? Inini isersimaffigineqarnerpaasartuni oqunikkiartortoqaratarsinnaanerup qanoq annertutiginera pillugu sukkasuumik paasinissaanut allassimasagut atorneqarsinnaapput.

Oqoqarneq atuisup taamaallaat pisuussutigineq ajorpaa. Illut najugarisat aamma apeqqutaasarput. Atuisut il-lup iluani silaannaq sissuunngippasuk illumi ajoquteqanngippasittumiluunniit oqunikkiartortoqarsinnaavoq. Aamma atuisut paarinnilluartaunerpaagaluarlutik illup sananeqarnerani teknikkikkut ajornatorsiuteqalersi-masumi oqunikkiartortoqarneq pinngitsoortissinnaanngilaat.

Oquk ajornerpaamik kingunilimmik isinik aappillertitsinnaavoq, anersaartuutitigut misikkaritsitsisinaavoq, niaqorlutsitsisinaavoq, uissanngutitsisinaavoq aallussinissamullu ajornatorsiuteqartitsisinaalluni. Sapigallit anerikillioortartullu inimi oqulimmiikkaagamik malussarissinnaasarput.

OQUK PILLUGU ILISIMASAT

Oquk tassaavoq sananeqaatinit minnerusuneersaq (oqut ilaat), silaannarmi inerittussatigut siaruaassinnaasoq. Inerittussat taakku atortut qaavini isugutattuni oqunnguussinnaapput. Taamaammat illup ilua isugutappa-sippat oqunikkiartortoqarnerisat eqqumaffigineqassaaq.

OQUK QANOQ ISIKKOQARPA?

Simernertut qorsummik, qernertumik, sukkulaajusamik/kajortumik qaqortumilluunniit qalipaatilittut oquk isikkoqakkajuttarpoq, meqqungasunillu qaaqakkajuttarluni. Ilaatigut atortup qaavani alliartorfini qalipaa-teqaatigisarpaa imaluunniit saattumik qallertarpaa taamaasillunilu takujuminaassinnaalluni.

OQUK SUMI UUMASARPA?

Naak oquk ersarilluni iikkaniittaraluartoq, naterni qilaanilu, ilaatigut illumi sumiiffinni nassaariuminaatsu-niissinnaavoq – nalinginnaasumik sulluni soorlu naqqup iluani pukkitsumi qaliaaqqanilu uingasuni imaluun-niit aalitsat tunuanni. Oquk siaruaakkiartortoq toqqoqqasumi aalitsat katakkiartuaarnerini takuneqarsin-naavoq, imaluunniit inip iluani oquttumik tipeqalertoqaraangat naqqulluunniit killingani listeni.

OQUK PIARNEQARTUSSAAVOQ

Oquppasittumik tipilerujumilluunniit sikaavimmeersumik ammaneqartuninngaanneersuniluunniit soorlu ataatigut iikkiussaniit naamasagaruit, illumi isugutammik ajornatorsiuteqarnermik ilisarnaataasinnaapput. Naak oquk aalitsat tunuanni iikkalluunniit iluani toqqoqqagaluartoq piarneqassaaq.

OQUK IMA PINNGITSOORNAVEERSAARNEQASSAAQ

Illup ilua isugutatsinngikkaanni aamma silaannarissuutinissaa qulakkeeraanni pisuni amerlanertigut oquk pinngitsoorneqarsinnaavoq. Silaannap isugutanera illup iluani annikitsuutinneqarsinnaavoq siunnersuutit ukua malinneratigut:

- Silaannarissaalluarnissaq eqqaamajuk – ullormut arlaleriarlutit 5-10 minutsinik sivilissusilimmik noqqoruutsitsisarit. Anartarfimmi/uffarfimmi igaffimmilu silaannarissaasarnissaq peqqissaarunneqarnerussaaq.
- Milluaasut silaannallu aqqutai pissusissamisut ingerlanersut misissukkit.
- Init tamarmik kiassusaat assigiitsikkitt. Kiassutsip 18 gradit ataaqusaanngilaa.
- Imermit innarlitertoqarpat piaarnerpaamik iluarsartuunneqassaaq.
- Igalasserfinni iikkanilu silaannarissarfegarpat ammatinneqassapput, silaannap aqqutai silaannarissarfiillu ajunnginnersut ipeqannginnersullu takukkit.
- Silami atisat manisakkitt imaluunniit panersaavik imiliortitsinngitsoq atoruk.
- Uffareernerup kingorna ikkat natillu uffarfimmiittut isugutaarsertakkit.

OQUK IMA PIIARNEQASSAAQ

Inissiami oqoqarpat piaartumik piiarneqarnissaa isumagissavat. Oqoqarnermik ajornartorsiutinik aaqqiisuteqarnissannut malitassat ukua marluk malikkitt.

1) Illumi oqoqarnerup peqqutaa nassaariuk

Inissiaq misissoqqissaaruk. Assersuutigalugu imermit innarlitertoqarsimava, milluaasut aqqutai millissimappat imaluunniit illumi pequtit ikkat silamut qanittumiittut nillertut qanippaat? Minnerpaamik ullormut marloriarlutit silaannarissaalluarnarpat? Taaneqartut tamarmik ajunngitsuunissaat isumagisakkitt.

2) Oquk peqqutaaluunniit peeruk

Oquk annikitsumik siaruaateqqappat oquk Rodalon-imik Klorin-imilluunniit eqqiarsinnaavat. Eqqiaat asannginnerani oqummi minutsini 20-ni uninngateqqaaruk. Eqqaamajuk Klorin qarsorsaa-sarmat. Oquk annertuumik siaruaassimappat Iserit A/S-ip Nakkutilliisua attavigineqassaaq.

ISERIT A/S-IP SULIARISARTAGAI

Attartortoq saaffiginnikkaagat Iserit A/S-ip suliassaq nalilertarpaa, pilersaarusiortarpoq aamma inissiani il-lunilu pigineqartuni Iserit A/S minnerusumik misissuisinnaasarpoq.

Sukumiinerusumik naliliisoqareerpat Iserit A/S-ip avataaneersumik siunnersortimik oqummik annertuneru-sumik misissuititsisinnaavoq.

Tamatuma saniatigut inissiat inoqanngitsut iserterfigineqannginnerini isugutammik ajornartorsiuteqarner-sut avataaneersumik siunnersortimik Iserit A/S-imit misissortinneqartuaannarput. Attartortup nutaap iserterner-mini inissiami isugutammik ajornartorsiuteqartoqannginnera pillugu uppersaasumik nalunaarusiamik pis-sarsissaaq, tamanna attartortutsinnut nutaanut toqqissisimanermik tunisisarpoq.

Siunnersuutit qulaani allassimasut taamaammat nassuiarneqartutut pisarialimmik ingerlaavartumillu isugutak pinngitsoortinnaveernissaanut attartortup nammineerluni akisussaaffiginneranik attartortumut eqqaasitsis-sutaapput.